

PATLIASAG TIMÓTIEÓG.

Metj nigetj migoitelmot lnoigtog listogotjga na patliiasag Pelis Timó-tieóg geget nesipongeg tetli npegag lepieg gisgjo gpepeg, 5 tes loieoiug-coei tepgonoset 1906, 78 tesiponatag. Soed gisi thoenes póggtji patliaseois lóg maltjeoetjoteg, meta gis siaoi ang-itetges alasoitnógoóm ogotanemga; teti nipeg tan telaogsis eli mitogoat-ges, neot paseg pelatógós, netna nipe-gel tan getoi npegag, oesami gsinog-oteg. Etog oen gisi aanitetg al-asotnógoóm tan tetli sigentasis ag tetli piltó gemnieois, gionagotj tan oesgótg mgamlamon patliaseoi!

Tan totjio maltjeoetj tjinemois, menag glasgo getjijtjogsep tan Gis-olgoi getoi oigomtjel, eli agaseois magasanigtog onetji giltjen. Eln tepetog mo pegitjeneg elj mtetog gag-an geginamoetógoómng patliastjijtjoei gepeg tan tetli oetjiaseniga oagela notji gijtjijtjagatilitga oelmetolitga tanga mbogatatga miamotj patgoi al-amesigenigtog agtelapasin ag patlias-eoalos 23 tes, mistepeg. 1854, tllisip eli notji apógónembes patliaseoigtog lap-aloes tan S. Lóg Tesóne oetjoitemeg.

Gis neotipongeg tetli ginamoeteg, tepjagsop teti nenbs ogisi lgingosin-geneg migmaoi otanigtog listogotj-gsoei (1855-1859), log atignasis o'ola-lan onitjin, notji nsetemalseoeljtjel teng apógónemasenel, glapis teplag gisi oll migmaoisis, ag teti gsaltitis lnoig, tjel tlia pibeel tami me messig-ig lapaloesigtog atjalcs, eln tepetog metj slaoi migoitetges lnoi otan ag metj geseoeli migoitelmos negao lnoegatig. Paseg oesami gsoggos na elogóoagan otjit patlias tan mógoe melgigenaog-sap. Na oetjlagsop omatjaasin elies lenateoel lapaloes tan Leeds teloisig-sap, tógo tllisip eli notjótges espi ginamoetógoóm lepiei, tan tetli logoes glapis metlasipongeg tjel neot, mset tami alapteges tan notages, mset mógoei teplotges, tlia mo nototj nes-temalseoamegl tjel neotetjiltjel onit-janel glapis tjel eli gtjipatliaseoelisenel. Nigetj aptj matjasis messig ag gelolg lapalcesigtog eli patliaseois Portneuf, tloogop gino pibeel gómi, tan mitjijtjg metlasipongeg teti neot gisi oll notjót-ges, messiglésep atignasoagan elogóoag-an ag gesaltimgeoei. Sgato mógoetj nogotj tepigenaog osiaoi notjótgegen, lepieg tóg apatjasit ag tetlaogsit oan-tagóttigtog glapis Gisolgoigtog oigomotj. Paseg alasoimat ag emitogoolatji eol-etjoltjiltji gesinogotiltji, gisigoltjil-

jtji tan tetli angocioetji, ag mitjoatjijtji metj pibeel tetli oetjítóg mimatjjoagan ag oelitasoagan. Oitjei aegtigtog, oentjigoómigtog metj oelimatji tesiltji saliteoalatji, ag nenesi ignemoetóg tan paseg mógoei oetallgamit ogsitgamog, ogtjlatj metj ogisi mgasi pógótangasa, igag onagoóm oigomotj Gisolgoigtogel tanel metj gesalasenel ag elogóoasenel ola pgeog negaoo.

TALI GSEGAT ELPATOTJ.

Pigoelg solieoei ignemot tan gis-gecpatóg.

Asitelmot ooltjijtjagatitnoo tan paseg oeni ag mógoetj goiloitetemameg oeni negela.

Ignemot aptessigen ogisi pgitton ad-asitj ag otapatji pisgoan tan totjio gsatga.

Mógoetj pipanimameg tami eigos gisna oeni oitapa.

Teli ginamot paseg omgitetemen solieoei ag oigoatjetjel, tógo mo otal-litetemen oimtemgeoei.

Getoi apangitotj otjit tan paseg mógoei olategetj gisna apógónemoatjet oigmatjel.

Netagitetgel ologoatemem igatagan, gisi otjlatjetl tgegel otelategeln.

Asimot oponi getlamsetoan ongigel ag patliasel.

Telj ginamot elpatotj ma pgitjeneg ogsoagan.

Mógoetj gisi oetjoi gsaltimog tan tllisip neotetjit oesami oleg, tógo gisg-oesami eoljetjit.

Oen gesalatjel oigmatjel pa sig oel-jit oelelatjel li aptjetjteteo tan tetj gsaloei.

Migoitelmanetj genitjgamtjinag, mo paseg tloatinetj, gis pógtangitatzig, meloitt tloatinetj, gis sag oeli ogsh-jinoktipenig.

REMERCIEMENTS—THANKS.

- L. P. C., St. Omer, 2 abonnements.
 G. P. Leguille, 2 abonnements.
 Mrs. J. A. R., Bear River, 1 abon-
 Mrs. W. R., Bear River, 2 abon-
 Dme Ch., Sanbornville, 1 abon-
 G. A. D., Sanbornville, 2 abon-
 J. G. A. J., North Stratford, 2 ab-
 et \$4.00.
 A. A. S., Groveton, 4 abonnements.
 J. C. C., Berlin Falls 4 abonnements.
 O. J. D. Somersworth, 1 abonnement.
 J. J. R., Dover, 1 abonnement.